


			一	漢
			二	書
			九	門
			二	
			四	
			三	
			五	
七	四	二	三	
冊	架	函	號	類

庫文閣內	
三〇〇函	一二九四三
九七冊	漢書

內閣文庫	
番號	漢 12943
冊數	7 (3)
函號	300 199



涇西醫局
癘書之印

大學東
校典藉
局之印

寒厥

劉錫鎮襄陽日。寵妾病傷寒。暴亡。衆醫云脈絕不可治。或言市上膏藥許道人。有奇術可用。召之曰。是寒厥爾不死也。乃請健卒三十人。速掘地作坑。熾炭數百斤。雜薪燒之。候極熱。施薦覆坑。昇病人臥其上。蓋以氈褥。少頃氣騰。上如蒸炊。遍體流汗。衣被透濕。已而頓蘇。始取藥數種調治。即日愈。同上

風濕不可汗下

論風濕不可汗下。春夏之交。人病如傷寒。其人汗自出。肢體重痛。轉側難。小便不利。此名風濕。非傷寒也。

陰雨之後卑濕或引飲過多多有此證但參服五苓散小便通利濕去則愈切忌轉瀉發汗小誤必不可救初虞世云醫者不識作傷風治之發汗甌下之死已未年京師大疫正為此子自得其說救人甚多壬辰年予守官洪州一同官妻有此證因勸其服五苓散不信醫投發汗藥一夕而斃不可不謹也夫抵五苓散能飲水去濕耳育中有停飲及小兒吐蛔欲作癩服五苓散最妙初君之說詳矣予因廣此說以信諸人

出信
妙方

取汗不可先期

南史記范雲初爲陳武帝屬官武帝有九錫之命在旦夕矣雲忽感傷寒之疾恐不得預慶事召徐文伯診視實告懇之曰可便得愈乎文伯曰便差甚易政恐二年後不復起耳雲曰朝聞道夕死猶可況二年乎文伯以火燒地布桃葉設席置雲於上頃刻汗解裹以溫粉翌日愈雲甚喜文伯云不足喜也後二年果卒夫取汗先期尚促壽限況不顧表裏不待時日便欲速效乎每見病者不耐未三四日晝夜促汗醫者隨情順意鮮不敗事故予書此以爲醫者之戒

出本
方事

傷寒舌出

臨安民有因病傷寒而舌出過寸無能治者但以竹管通飲入口每日坐于門一道人咯嗟曰吾能療此頃刻間爾柰藥不可得何家人聞而請曰苟有錢可得當竭力訪之不肯告而去明日又言之至于旬時會中貴人罷直歸下馬觀病者道人適至其言如初中貴問所須乃梅花片腦也笑曰此不難得即遣僕馳取以付之道人屑為末摻舌上隨手而縮凡用五錢病立愈

出丁志

四時癘疾

周禮天官下曰疾醫長養萬民之疾病四時皆有癘疾春時有瘡首疾頭痛夏時有痒疥疾秋時有瘡寒疾冬時有嗽上氣疾

辨沙病

沙病江南舊無今東西皆有之原其證醫家不載大凡纔覺寒慄似傷寒而狀似瘡但覺渾身壯熱手足厥冷鄉落多有艾灸以得沙為良有因灸膿血逆流移時而死者誠可憐也有雍承節印行此方云初得病以飲艾湯試吐即是其證急以五月蠶退紙一片剪碎安碗中以楮蓋密以湯泡半碗許仍以紙封楮

縫勿令透氣良久乘熱飲之就臥以厚衣被蓋之令汗透便愈如此豈不勝如火艾枉殘害人命敬之信之

出葉氏錄驗方

暑氣所中

今歲熱甚聞道路城市昏仆而死者此皆虛人勞人或饑飽失節或素有疾一為暑氣所中不得泄即關竅皆窒非暑氣使狀氣閉塞而死也古方治暑無它但用辛甘發散疏導心氣與水流行則無害矣崇寧乙酉歲余為書局時一養馬僕持馳馬出局下忽仆地絕急以五苓大順散灌之皆不驗已踰時同舍王

相使取大蒜一握道上熱土雜研爛以新水和之瀝去滓決其齒灌之少頃即蘇至暮此僕為予復御而歸乃知藥病相對有如此者此方本徐州沛縣市門忽有板書釘其上或傳神仙欲以救人者沈存中主聖美皆著其說而予親驗之乃使書百本散遠近庶幾有救其急者也

出石林老
人避暑錄

傷寒後睡不著

人病傷寒陽證或患熱疾服涼藥而得愈飲食不充夜間輒睡不著是膽冷也若脉細身涼隨其虛實下金液丹一服大冷者下百粒及五六十粒不甚冷者

三二十粒即睡著當以脉證為準也脉細微大便不甚實小便清面色青白舌下不紅面帶青色皆冷證也

傷寒差後之戒

傷寒病初差不可過飽及勞動或食羊肉行房事與食諸骨汁并飲酒病方愈脾胃尚弱食過飽不能消化病即再來謂之食復病方愈氣血尚虛勞大早病即再來謂之勞復又傷寒食羊肉行房事並食諸骨汁者飲酒者再病龐安常云飲酒者死

用藥不同

傷寒中風濕溫熱病瘧時疫難同陰陽之法須別作治療若與傷寒同治必至危損經言脉有陰陽之損法何也凡脉浮太洪數動滑此名陽脉也沉細澹弱弦微此名陰脉也陰病見陽脉者生陽病見陰脉者死審而察之

諸風

風者百病之始

風者百病之始也清靜則肉腠閉拒雖有奇藥弗能害故病久則能傳化上下不并良醫弗爲

中風用藥

凡中風用續命排風引竹瀝諸湯及精神丹茵芋酒
之類更加以艾無不愈者然此疾積習之久非一日
所能致皆大劑久而取效唐書載王太后中風喑默
不語醫者蒸薑老薑數斛以薰之得差蓋此類也今人
服三五服便求效責醫也亦遠矣子學子曰七年之病
三年之艾久而後知爾

出本
事方

中風

凡人中風脉無不大者非熱也是風脉也中風有冷
熱陽病則熱陰病則冷冷則用溫風藥熱則用涼風
藥不可一槩用也凡中風不可吐出涎人骨節中皆

有涎所以轉動滑利中風則涎上朝咽喉中涼嚮以
藥壓下涎再歸骨節可也不可吐出若吐出涎時間
快意非久枯了人手足不可不戒也小兒驚風亦不
可吐出涎其患與大人同方其發搐搦時不可捉住
手足則涎不歸手足但寬鬆抱之可也

辯諸風證

頭風多鏡白屑毒風面上生瘡刺風狀如鍼刺腰痛
如錐癩風急倒作殼發搐急慢頑風不忍痛痒歷風
頸斑剝暗風頭旋眼黑不辨東西瘡風面生朱點肝
風鼻悶眼瞶兩臉赤爛偏風口眼喎斜節風支節續

斷指甲脫落脾風心多嘔逆酒風行步不前肺風鼻
塞項疼貼風令人不睡氣風肉如蟲行腎風耳內蟬
殼陰間濕痒寒濕脚氣癱風半身不隨癩風手足拳
攣胃風不伏水土虛風風寒濕痒腸風脫肛瀉血腦
風頭旋偏痛賊風發殼不嚮產風四肢疼痛骨風膝
腫如槌膝風腿寒骨痛心風健忘多驚盛風語言蹇
澁髓風臂膊痠疼臟風夜多盜汗血風陰囊濕痒烏
風頭面腫塊皮風素白癜癬肌風遍身燥痒體風身
生腫毒閉風大便燥澁軟風四肢不舉緣風瞳人開
大青風吐極青盲虎風發吼羊叫大風成片爛瘡

諸風

劉子儀曰經有急風候又有卒中風候又有風瘧候
夫急風與卒中理固無二指風而言則謂之急風指
病而言則謂之卒中其風瘧蓋出於急風之候也何
者經云奄然不知人咽中塞窒然而舌強不能言
如此則是中急風而其候也發汗身軟者生汗不出
身脣乾者死若痰涎壅盛者當吐之視其鼻人中左
右上白者可治一黑一赤吐沫者死

風痺音肥又
云朝

風痺者身無痛也病在臟四肢不收志不亂一日臂

不隨者風痺也能言微有知則可治不能言者不可治是如履霜肘如入湯股脛淫鑠眩悶頭痛時嘔短氣汗出久則悲喜不常二年死凡欲治此病依先後次第不得妄投湯藥以失機宜非但殺人因茲遂為痼疾當先用竹瀝飲子者

出雜家普濟方

風痙

經有風痙候又有風角弓反張候痙者身體強直口噤如發癇狀角弓反張者腰肢反折不能俯仰二者皆曰風邪傷於陽者之經而然也治法一同

腰腿

經稱腰腿風者為四肢不收身體疼痛肌肉虛滿是也風邪侵於肌肉之間流於血脉之內既云肌肉虛滿即風邪入腎之經絡而然也水氣論曰諸腫俱屬於腎是也治法當兼理腎為得一云不治變為水氣上

風眩

夫風眩之病起於心氣不足脊中虛熱實故有動風面熱之所為也痰熱相感而動風風心相亂則悶瞀故謂之風眩悶瞀大人曰癩小兒則為癩一說頭風目眩者由血氣虛風邪入腦而牽引目絲故也五臟

六腑之精氣皆上注於目血氣與脈并上為目絲屬
於腦後出於項中血脉若虛則為風邪所傷入腦則
轉而目絲急故戒眩也診其脈洪大而長者風眩也
凡人病發宜急與續命湯困急時但度灸穴便宜鍼
之無不差者初得鍼了便灸最良上同

風痺

夫痺者風寒汗濕三氣共合而成痺也其狀肌肉頑
厚或作疼痛此由人體虛腠理開則受於風邪也風
邪先中經絡後入於五臟其以春遇痺者為筋痺筋
痺不已又遇邪者則移入於肝也肝痺之狀夜臥則

驚飲食多小便數夏遇痺者為脈脾血脉不流令人
萎蓄脉痺不已又遇邪者則移入於心心痺之狀心
下鼓氣卒狀逆喘不通咽乾喜噫仲夏遇痺為肌痺
肌痺不已後遇邪者則入於脾脾痺之狀四肢解墮
發咳嘔吐秋遇痺者為皮痺則皮膚都無所覺皮痺
不已則入於肺肺痺之狀氣高喘痛冬遇痺者為骨
痺骨重不可舉不遂而痛骨痺不已又遇邪者則移
入於腎腎痺之狀喜脹診其脉大澁者為痺脉來急
者為痺脉澁而緊者為痺上同

偏枯

經有偏風候又有半身不遂候又有風偏枯候此三者大要同而古人別爲之篇者蓋指風則謂之偏風指疾則謂之半身不遂其肌肉偏小者呼爲偏枯皆由脾胃虛弱所致也夫脾胃爲水穀之海水穀之精化爲血氣潤養身體今脾胃虛弱則水穀之精養有所不用血氣偏枯虛爲邪所中故半身不遂或至肌肉枯小爾治法兼治脾胃

皆出雞峯方

小中不須深治

風淫末疾謂四肢凡人中風乘歸手足故也而疾勢有輕重故病輕者俗名小中一老醫常論小中不須

深治但服溫平湯劑止氣逐濕痺使毒流一邊餘若不作隨性將養雖未能爲全人然尚可苟延歲月苦力攻之縱有平復者往往恬不知戒病一再來則難以支吾矣譬如捕寇拘於一室則不使之逸越自己他慮或逐之再至則其禍當劇於前矣此語甚有理而予見世之病者大體皆如是但常人之情以幻質爲己有豈有得疾爲廢人而不力治者此未易以口

舌喻也

出泊宅編

邪風

邪風之至疾如風雨蓋治者治皮毛次治肌膚次治

筋脉次治六腑次治五臟治五臟者半生半死也

風厥

汗出而身熱者風也汗出而煩滿不解者厥也

睡防風吹

睡中風吹手足或酸或疼或腫用鹽炒熱帕裏熨之
微有汗出即愈仍用木附湯加羌活煎服

白癩病

昔有一僧得病狀如白癩卒不成瘡但每日取白皮
一升許如蛇蛻醫者謂多啖炙煖所致與局方解毒
雄黃丸三四服而愈

長松治大風

釋普明齊州人父止靈巖晚進五臺得風疾眉髮俱
墮百骸腐潰哀號苦楚人不可聞忽有異人教服長
松明不知識復告之云長松生古松下取根餌之皮
色如薺芫長三五寸味微苦類人參清香可愛無毒
服之益人兼解諸蟲毒明採服不旬日毛髮俱生顏
貌如故今并代間士人多以長松雜甘草乾山藥為
湯煎服甚佳然本草及諸方書不載釋慧祥作清涼
傳始序之出澗水燕談

療風癩絕不同

瘵病骨先絕風病筋先絕癩病肉先絕出瑣錄

食川山甲動風舊疾

余嘗行衡州道中遇醴陵尉自尉陽以病歸問其得疾之由曰某食豬肉入山既深無肉可以食偶從者食川山甲肉因嘗數鱗舊有風疾至是復作今左手足廢矣因以篋中風藥遺之後半月聞其人痼疾頓愈及至永州觀圖經曰川山甲不可殺於隄岸血一入土則隄岸不可復寒蓋能透地脉也如此尉因誤食致疾而旬日痼疾盡愈亦可怪也今人用以通婦人脉甚驗

菝草治風

杜甫詩有除菝草詩一篇今蜀中謂之毛菝毛菝可畏觸人如蜂螫狀治風疹擇最先者以此草點之一身皆失葉背紫者入藥

蝻蛇治風

泉州有客盧元欽患大風唯鼻根未倒屬五月五日官取蝻蛇膽欲進或言肉可以治風遂取一截蛇肉食之三五日頓漸可百日平復

蛇墜酒罌治風

有人患大風家人惡之山中為起茅舍有烏蛇墜酒

嬰中病人不知飲酒漸差嬰底見蛇骨方知其由也
出朝野僉
記同上

桑枝愈臂痛

桑枝一小升細切炒香以水三大升煎取二升一日
服盡無時圖經云桑枝平不冷不熱可以常服療體
中風痒乾澁脚氣風氣四肢拘攣上氣眼暈肺氣嗽
消食利小便久服輕身聰明耳目令人光澤兼療口
乾仙經云一切仙藥不得桑枝煎不服出抱朴子政
和間予嘗病兩臂痛服諸藥不效依此作數劑臂痛
尋愈出本
事方

透冰丹愈耳痒

族人友夔壯歲時苦兩耳痒日一作遇其甚時殆不
可耐擊刮挑剔無所不至而所患自若也常以堅竹
三寸許截之折為五六片細削如洗似箒狀極力撞
入耳中皮破血出或多至一蜺殼而後止明日復然
失血既多為之困悴適有河北醫士周敏道到鄉里
因往謁之周曰此腎臟風虛致浮毒上攻未易以常
法治也宜買透冰丹服之勿飲酒啖濕麪菜雞豬
之屬能盡一月為佳夔用其戒數日痒止而食忌不
能久既而復作乃著意痛斷迨於累旬耳不復痒類出

臂細無力不任重

此乃肝腎氣風邪客滯於榮衛之間使氣血不能周
養四肢故有此證肝主項背與臂膊腎主腰膝與脚
膝其二臟若偏虛則隨其所主而病焉今此證乃肝
氣偏虛宜專補肝補腎出雞峯方

風眩

賈黃中為禮部侍郎兼起居監察中風眩卒太宗悼
惜之切責諸醫大搜在城醫工凡通神農難素本草
黃帝難經素問及其鍼灸藥餌者校其能否以補輸

林醫學及醫官院祗候

風痺

齊王太后病召臣意入診脉曰風痺客肘難於大小
溲溺赤臣意飲以火齊湯一飲即前後溲再飲病已
溺如故病得之流汗滫滹者去衣而汗晞也所以知
齊王太后病者臣意診其脉切其太陰之口溼然風
氣也脉法曰沈之而大堅浮之而大緊者病主在腎
腎切之而相反也脉大而躁大者膀胱氣也躁者中
有熱而溺赤出史記

風蹶

濟北王病召臣意診其脉曰風蹶脊滿即為藥酒盡
三石病已得之汗出伏地所以知濟北王病者臣意
切其脉時風氣也心脉濁病法過入其陽陽氣盡而
陰氣入陰氣入張則寒氣上而熱氣下故脊滿汗出
伏地者切其脉氣陰陰氣者病必入中出及澆水也

痺

齊王故為陽虛侯時病甚眾醫皆以為瘳臣意診脉
以為脾根在右脇下大如覆杯令人喘逆氣不能食
臣意即以火齊粥且飲六日氣下即令更服丸藥出
入六日病已病得之內診之時不能識其經解大識

其病所在

上同

苦脊風

臣意嘗診安陽武都里成開方自言以為不病
臣意謂之病苦脊風三歲四肢不能自用使人瘖瘖
即死今聞其四肢不能用瘖而未死也病得之數飲
酒以見大風氣所以知成開方病者診之其脉法奇
咳言曰臟氣相反者死切之得腎脉反肺法曰三歲
死也

上同

癰瘻

世傳左為癰右為瘻此說尤非何者經既有偏中半

身不遂之候即癱瘓之候當以左右俱中者名之又
說以春夏得之難治秋冬得之易療春夏者陽氣上
騰火力方盛風火相得而旺故難治也秋冬者陽氣
降下漸微即易療也此說亦未可必推其中之淺深
為難易爾治法兼理肝腎為得蓋肝主筋腎主骨風
中肝腎則筋骨癱瘓也出雞峯方

迴風

陽虛侯相趙章病召臣意魯醫皆以為寒中臣意診
其脉曰迴風音洞言徹入四肢迴風者飲食下噎音益謂喉下也而
輒出不留法曰五日死而後十日乃死病得之酒所

以知趙章之病者臣意切其脉脉來滑是內風氣也
飲食下噎而輒出不留者法五日死皆為前分界法
後十日乃死所以過期者其人嗜粥故中臟實中臟
實故過期師言曰安穀者過期不安穀者不過期出史記

又

齊淳于司馬病臣意切其脉告曰當病迴風迴之狀
飲食下噎輒後之後曰如病得之飽食而疾走淳于司
馬曰我之王家食馬肝飽甚見酒來即走去驅疾至
舍即泄數十出臣意告曰為火齊米汁飲之七八日

而當愈時醫秦信在傍臣意去信為左右閣都尉曰
意以淳于司馬病為何曰以為迴風可治信即笑曰
是不知也淳于司馬病法當後九日死即後九日不
死其家復召臣意臣意往問之盡如意診臣即為一
火齊米汁使服七八日病已所以知之者診其脉時
切之盡如法其病順故不死出史記

手足沉重狀若風者

此證其源起於脾胃虛榮衛不足胃為水穀之海脾
氣磨而消之水穀之精化為榮衛以養四肢若起居
失節飲食不時則致脾胃之氣不足既榮衛之氣潤

養不周風邪乘虛而于之蓋脾胃主四肢其脉連舌
本而終于脣口故四肢與脣口俱痺語言蹇澁也治
法宜多用脾胃藥少服祛風藥則可安矣若本不治
則變為痿疾經所謂獨治痿獨取陽明是也陽明者
胃之經也出雜
方

上氣常須服藥

張文仲言風有一百二十四種氣有八十一種唯脚
氣頭風上氣常須服藥不絕自餘即隨其發動臨期
消息之但有風氣之人春末夏初及秋暮要得通洩
即不困割所謂通泄者如麻黃郁李仁之類是也本

必苦駛利藥出太平御覽

熱厥

故濟北王阿母自言足熱而滿臣意告曰熱厥也則刺其足心各三所按之無出血病旋已病得之飲酒

大醉出史記

眉髮自落

崔言職隸左親騎軍一日得疾雙目昏咫尺不辨人物眉髮自落鼻梁崩倒肌膚有瘡如癬皆為惡疾不可救因為洋州駱谷子歸寨使遇一道流來言名姓授其方曰阜角刺一二斤為灰蒸火晒碾為末濃

煎大黃湯調一錢七服一旬鬢髮再生肌膚悅潤眼

目倍明得此方後入山不知所之出感應傳

醫說卷第三

醫說卷第四

宋新安張景季明集

勞瘵

五勞

人作勞於五臟其氣因傷成病故曰五勞。肺勞之狀短氣面腫不聞香臭。肝勞之狀面目乾黑口苦精神不守。恐畏不能獨臥。目視不明。心勞之狀忽忽喜忘大便難。或時溇利。口内生瘡。脾勞之狀舌根苦直不能嚙。腎勞之狀背難俛仰小便不利。赤黃有餘瀝囊濕生瘡。小腹裏急。治法肝勞補心氣。心勞補脾氣。脾勞補肺氣。肺勞補腎氣。腎勞補肝氣。瘵子以益母也。

經曰聖人春夏養陽秋冬養陰補其根本肝心為陽脾肺腎為陰五臟虛實成勞虛則補之實則瀉之

六極

六極者筋極主肝脉極主心肉極主脾氣極主脉骨極主腎精極主臟腑筋極之狀令人數轉筋十指指甲皆痛苦倦不能久立脉極之狀忽忽喜忘少顏色眉髮墮落肉極之狀飲食無味不生肌肉皮膚枯槁氣極之狀正氣少邪氣多氣不足多喘少言骨極之狀腰脊酸削齒痛手足煩痛不欲行動精極之狀肉虛少氣喜忘鬢髮衰落然謂之極者病重於勞也治

法與治勞同

七傷

七傷者一曰大怒逆氣傷肝二曰憂愁思慮傷心三曰飲食大飽傷脾四曰形寒飲冷傷肺五曰久坐濕地傷腎六曰風雨寒濕傷形七曰大怒恐懼傷志肝傷則少血目暗心傷則苦驚喜忘脾傷則面黃善臥肺傷則短氣咳嗽腎傷則短氣腰痛厥逆下冷形傷則皮膚枯槁志傷則恍惚不樂治法與五勞六極同

虛勞

男子平人脉大為勞極虛亦為勞男子勞之為病其

脉浮大手足煩春夏極秋冬差陰寒精自出瘦削不能行寸口脉浮遲浮則為虛遲則為勞虛則衛氣不足浮則榮氣竭脉直者遲逆虛也脉溢無陽是腎少寸關溢無血氣逆冷是大虛脉浮微緩而大者也勞也脉微濡相搏為五勞微弱相搏虛損為七傷

冷勞

冷勞之人氣血枯竭表裏俱虛陰陽不和精氣散失則内生寒冷也皆由臟腑久虛積冷之氣遂令宿食不消心腹積腹疼痛面色痿黃口舌生瘡大腸泄利手足無力骨節酸疼久而不痊轉加羸瘦故曰冷勞

○ 勞之類也

以上出
辨方

勞症

勞動作也郭逢原曰凡人暫爾疲倦通謂之勞而今人以勞為惡疾而惡聞之親戚朋友共為隱諱見其疾狀莫敢呼之殊不知勞之為病初起於動作不能節謹至於疲倦且傷不已漸成大疾凡言虛勞者五勞是也六極七傷為類蓋蒙莊所謂精太用則竭神太勞則弊者治法不過補養五臟滋益氣血使之強盛則其疾自去又有傳尸勞者則非此類蓋緣尸注及挾邪精鬼氣而成也經曰人有三虛逢年之衰遇

月之空失時之和乍感生死之氣忽犯鬼物之精大
槩寒熱淋露沉沉默默不知其所苦而無處不惡積
月累年漸就委頓既死之後又復傳症他人者是也
茲又須用通神明去惡氣諸藥以治之經曰草木咸
得其性鬼神無所避情剗麝剗犀驅曳邪惡飛丹鍊
石引納清和疑其爲此疾而設同上

傳勞

葛洪云鬼症者是五尸之一症又挾諸鬼邪爲害其
病變動乃有三十六種至九十九種大略使人寒熱
淋瀝沉沉默默不得知所苦無處不惡累年積月漸

本草石作訟

就沉滯以至於死傳與傍人乃至滅門覺如是候者
急治獺肝一具陰乾杵末服方寸七日三未止再作
肘後云此方神良宣和間天慶觀一法師行考召極
精嚴時一婦人投狀述患人有崇所附須臾召至附
語云非我爲禍別是一鬼亦因病人命衰爲崇爾渠
今已成形在患人肺中爲虫食其肺絲故令吐血殷
嘶師掠之此虫還有畏忌否久而無語再掠之良久
云容某說惟畏獺爪屑爲末以酒服之則去矣患家
如其言而得愈此予目所見也究其患亦相似獺爪
者殆獺爪肝之類歟

出本
事方

本草龜肝

本草作系

本草石云字

遇道人治傳勞方

袁州寄居武節郎李應本湘州法司嘗以吏役事韓似夫樞密兵火後忽於宜春見之云從岳侯將軍得官今閑居於此從容問其家事潸然淚下曰某先有男女三人長子因議買宅入空無人所居之室忽覺心動背寒凜凜遂成勞瘵之疾垂殆傳於次室女長子既死女病尋亟繼又傳于第三子證候一同應大恐卽禱於城隍廟神每日設麪飯以齋雲水異遇異人且許謝錢三十萬數日因往市中開元寺前有一人衣俗士服自稱貧道踵足而呼曰團練聞宅上苦

傳尸勞貧道有一藥方奉傳同入寺中問其姓名不答口授云云應卽取筆書之道人言欲過湖南應留之飯云已喫飯了欲贈之錢云自有盤纏臨行又言此藥以夫靈蓋虎糞內骨爲主切須子細尋覓青蛇腦如無亦可服藥前一日須盛享城隍神求爲陰助應曰既求之於神何必用藥道人曰不然卽揖別西去應以其事頗異敬如其言治藥既成設五神位各具飯饌十品如待貴客以享城隍又別列酒食以犒引陰兵仍於其家設使者一位於病榻之前服藥食頃臙腑大下得虫七枚其色如紅燒肉而腹白長約

一寸闊七八分前銳後方腹下近前有口身之四週
有足若魚骨細如鍼尖而曲已死試取火焚之以鐵
火筋劄刺不能入病勢頓減後又服一劑得小虫四
枚自此遂安今已十年肌體悅澤不復有疾道人後
竟不來其藥用天靈蓋三錢酥炙黃色爲末秤虎糞
內骨一錢人骨爲上獸骨次之殺虎大腸內取者亦
可用同青蛇腦小豆許或菘豆許同酥炙色轉爲度
無蛇腦只酥炙亦得鼈甲極大者醋炙黃色爲末秤
一兩九肋者尤妙安息香半兩桃仁一個去皮尖研
以上爲末絹篩過檳榔一個別爲細末麝香一錢別

研青蒿取近稍三四寸細判六兩豉三百粒葱根二
十一箇拍破東引桃柳李桑枝各七莖粗如筋豆大
各長七寸細判楓葉二十一一片如無亦得童子小便
半升右先將桃柳青蒿李桑枝楓葉葱豉以官升量
水三升煎至半升許去滓入安息香天靈蓋虎糞內
骨鼈甲桃仁與童子小便同煎取汁去粗有四五合
將檳榔麝香同研均調作一服早晨溫服以被蓋覆
出汗恐汗內有細虫以帛子拭之卽焚此帛相次須
瀉必有虫下如未死以大火焚之並弃長流水內所
用藥切不得令病人知日後亦然十來日後氣體復

原再進一服依前焚弃至無虫而止此藥如病者未
亟可以取安如已亟候其垂死則令下次已傳染者
服之先病者雖不可救後來斷不傳染

出百一選方
韓樞密孫廬

帥亞
卿傳

勞傷瘵疾

男子勞傷而得疾瘵漸見疲瘠用童子小便二盞無
灰酒一盞以新瓮餅貯之全豬腰一對在內密封泥
日晚以慢火養熟至中夜止五更初更以火溫之發
餅飲酒食腰子病篤者只一月效平日瘦怯者亦可
服此藥蓋以血養血全勝金石草木之藥也

出瑣
碎錄

勞復

故督郵頓子獻得病已差詣華佗視脉曰尚虛未復
勿為勞事御內即死臨死當吐血數寸其妻聞其病
除從百里外省之止宿交接中間三日發病一如佗

言出壬
志

鬼疰

韶州南七十里有曰古田有富家婦人陳氏抱異疾
常日無他苦每遇微風吹拂則股間一點奇痒爬搔
不停手已而舉體皆然逮於發厥三日醒及坐有鼓
如欸其身乍前乍後若搖兀之狀率以百數甫少定

又經日始困臥不知人累夕愈至不敢出戶更十醫
勿效醫劉大用視之曰吾得其證矣先與藥一服取
數珠一串來病家莫知何用也當婦人搖兀時記其
疏數之節已覺微減然後云是名鬼症因人神廟看
爲邪所憑致精采蕩越法當用死人枕煎湯飲之既
飲大瀉數行宿疴脫然天用云枕用畢當送還原處
如遲留使人顛狂蓋但借其氣爾出類編

瘵疾

越州鏡湖邵長者女十八染瘵疾累年刺灸無不求
治醫亦不效有漁人趙十者以鰻羹與食食竟內熱之

病皆無矣今醫家所用鰻煎乃此意

尸症

飛尸者遊走皮膚穿臟腑每發刺痛變作無常遊尸
者附骨入肉攻鑿血脉每發不可得近見尸與聞哀
哭便發風尸者淫濯四肢不知痛之所在每發昏沉
得風雪便作沉尸者纏骨結臍冲心脇每發絞切遇
寒冷便作注尸者舉身沉重精神錯雜常覺昏廢每
節氣至變輒成大惡皆宜用忍冬葉數斛煮取濃汁
稠煎之服如雞子大一枚日三太乙神精丹蘇合香

丸治此病第一

出本
事方

虛勞用藥

凡虛勞之疾皆緣情慾過度榮衛勞傷致百脉空虚五臟衰損邪氣乘襲致生百疾聖人必假藥石以資氣血密腠理以禦諸邪肌肉之虛猶如體之輕重虛如馬勃通草蒲稍燈心之屬是也非滋潤黏膩之物不食之不能食也故前古方中鹿角膠阿膠牛乳鹿髓羊肉飴糖酥酪杏仁煎酒蜜入之當歸地黃麥門冬之類蓋出此意本草云補可以去弱羊肉人參之屬是也所謂虛勞者因勞役過甚而致虛損故謂之虛勞今人纔見虛勞弱疾證悉用燥熱之藥如伏火

金石附子姜桂之類致五臟焦枯血氣乾涸而致危困皆因此也如虛而兼冷者止可於諸虛勞方中加諸溫熱藥為助可也如此即不失古人之意出醫錄

鰻治勞疾

有人多得勞疾相因染死者數人取病者置於棺中釘之弃於水永絕傳染之患流之金山有人異之引至岸間視見一女子猶然活因取置漁舍多得鰻鱺魚食之病愈遂為漁人之妻出稽神錄

虛勞服藥

養生必用方論虛勞不得用涼藥如柴胡鱉甲青蒿

麥門冬之類皆不用服唯服黃芪建中湯有十餘歲
女子因發熱咳嗽喘急小便少後來成腫疾服利水
藥得愈然虛羸之甚遂用黃芪建中湯日一服三十
餘日遂愈蓋人稟受不同虛勞小便白濁陰臟人服
橘皮煎黃芪建中湯獲愈者甚衆至於陽臟人不可
用煖藥雖建中湯不甚熱然有肉桂服之稍多亦反
爲害要之用藥亦量其所稟審其冷熱而不可槩以
建中湯治虛勞也謹之出醫餘

骨蒸內熱

睦州楊寺丞有女事鄭迪功有骨蒸內熱之病時發

外寒寒過內熱附骨蒸盛之時四肢微瘦足跣踵者
其病在五臟六腑之中衆醫不差因遇處州吳醫看
曰請爲治之只單用石膏散服後體微涼遂如故其
方出外臺秘要只用石膏乳細十分似麩以新汲水
和服方寸匕取身無熱爲度出名醫錄

氣血虛發厥熱

氣虛則發厥血虛則發熱厥者手足冷也氣屬陽陽
虛則陰湊之故厥血者陰也血虛則陽湊之故發熱
也氣虛發厥者當用溫藥血虛發熱者不宜用涼藥
當用溫養氣血之藥以補之宜養陰黃芪建中湯之

屬是也又有一種病實熱者極而手足厥冷所謂熱深厥亦深此當用涼藥須以脈別之也此最難辨差之毫釐則害人性命戒之出醫

人肉治羸疾

開元間明州人陳藏器撰本草拾遺云人肉治羸疾自此閭閻相效割股

治羸瘠

仁和縣一吏早衰病瘠齒落不已從貨藥道人得一單方只碾生硫黃爲細末實於豬臟中水煮臟爛碾細宿蒸餅圓如桐子大隨意服之兩月後飲啖倍常

步履輕健年過九十略無老態執役如初因從邑宰入村醉食牛血遂洞下數十行所泄如金水自是疋悴少日而死李巨源得其事於臨安入內醫官管範嘗與王樞使言之王云但聞豬肪脂能制硫黃茲用臟尤爲有理亦各服之久當見效出類編

治勞瘵吐血

剪草狀如茜草又如細辛發台二州皆有之惟發可用其法每取一斤淨洗碎爲末入生蜜二斤和成膏以陶器盛之不得犯鐵器日一蒸一曝至九日乃止治勞瘵吐血損肺及血妄行名曰神傳膏令病人五

更起面東坐不得語言用匙抄藥如食粥狀每服四匙良久呷稀米粥壓之藥只冷服粟飲亦不可太熱或吐或下皆無害如久病肺損咯血一服立愈

出本
事方

天靈蓋

謹按天靈蓋神農本經人部椎髮髮一物外餘皆出後世醫家或禁術之流奇怪之論殊非仁人之心世稱孫思邈有大功於世以殺命治命尚有陰責況於是也近數見醫家用以治傳尸勞未有一效者信本經不用未爲害也殘忍傷人又不急於取效苟有可易仁者宜盡心焉苟不以是說爲然決爲病人之

所惑亂設云非此不可是不得已則宜以年深塵泥所漬朽者爲良以其絕屍氣也

出本
草

鼻衄吐血

鼻衄

饒州市民李太常苦鼻衄遂至危困醫授以方取蘿蔔自然汁和無灰酒飲之則止醫云血隨氣運轉氣有順逆所以妄行蘿蔔最下氣而酒導之是以一服效經五日復如前僅存喘息而張思順以明州刊王氏單方刮人中白置新瓦上火逼乾以溫湯調服卽時血止至今十年不作張監運之江口鎮適延陵鎮

官曾棠入府府委至務同視海舶曾看白茸毛背子
盛服齊絜正對談之次血忽出如傾變所服爲紅色
駭曰素有此疾特不過點滴耳今猛烈可畏覺頭空
空然殆有性命之慮張曰君勿憂我當爲治一藥移
時而就持與之血亦止不復作人中白者旋盆內積
鹹垢是也蓋秋石之類特不多用火力治藥時勿使
其人知恐其以穢濁不肯服此方可謂神矣

予在汝州時因出驗屍有保正趙溫者不詣屍所問
之卽云衄血已數年陡昏困欲絕予使人扶掖以來

鼻血如簷溜平日所記治衄數方旋合藥治之血勢
猛皆衝出予謂治血者莫如地黃試遣人四散尋生
地黃得十餘斤不暇取汁因使生喫漸及三四斤又
以其滓塞鼻須臾血定又癸未歲予姊病吐血有醫
者教取生地黃自然汁煮服之日服數升三日而愈
有一婢病經血半年不通見釜中餘汁以爲丟弃可
惜輒飲數盃尋卽通利地黃治血其功如此地黃但
用新布拭淨絞汁搗勿用水洗出信效方

嘔血咯血

台州獄吏憫一大囚將死頗照顧之囚感語之吾七

次犯死罪盡力抗諱苦遭訊拷坐是肺皆傷損至於
傾血適得一藥每用其效如神荷君庇顧之恩持此
以報只白芨一味米飲調爾其後凌遲僧者剖其背
見肺間竅穴數十皆白芨補填之色猶不變也洪貫
之簡其說為郢州長壽宰規之赴洋川任一卒苦咯
血勢絕危貫之用此救之二日即止

山梔子茅花愈衄血

蔡子渥云同官無錫藍酒趙無疵其兄衄血甚已死
入殮血尚未止一道人過門聞其家哭詢問其由道
人云是曾服丹或炕煉藥子有藥角之即活囊間出

藥半錢匙吹入鼻中立止良久得活乃山梔燒存性

末之出本
事方

又治鼻衄不止欲絕者取茅花一大把剉之以水兩

碗煮取一碗分二服飲立止出良
方

頭風

偏頭疼

裕陵傳王荆公偏頭疼方云是禁中秘方用生菜菹
汁一蠅殼仰臥注鼻中左痛注右右痛注左或兩鼻
俱注亦可數十年患皆一注而愈荆公與僕言已愈
數人矣

頭眩

有人苦頭眩頭不得舉目不得視積年華佗使悉解衣倒懸令頭去地三寸濡布拭身體令周匝視諸脉盡出五色佗令弟子以鉞刀決脉五色血盡視赤血出乃下以膏摩被覆汗出周匝飲以葶藶散而愈

蹶頭熱

菑川王病召臣意診脉曰蹶上為重頭痛身熱使人煩滿臣意即以寒水拊其頭刺足陽明左右各三所病旋已病得之沐髮未乾而臥診如別所以蹶頭熱至肩出史記

婦人偏頭痛

有一婦人患偏頭痛一邊鼻塞不聞香臭常流清涕或作臭氣一陣服遍治頭痛藥如芎藭皆不效人無識此病者或曰腦癘偶有善醫云但服局方芎犀丸不十數服忽作嘔涕突出一錠稠膿其疾遂愈

沐頭洗浴

沐頭不可用冷水必成頭風之疾浴罷不可和衫裙寢恐外腎腫疼腰背拳曲

婦人月水來不可沐頭

婦人女子月事之來不可洗頭或因感疾終身為痼

疾不可治

川芎不可久服

一族子舊服芎藭醫鄭叔熊見之云芎藭不可久服多令人暴死後族子果無疾而卒予姻家朝士張子通妻因病腦風服芎藭甚久一日暴亡皆予自見者

出筆談

眼疾

目疾

凡人食五辛接熱食飲刺頭出血過多極目遠視燈前看字月下攻書不避煙火博奕經時飲酒不已熱

餐麪食抄寫多年雕鏤繡畫泣淚過多房欲無節遠觀星火視日極目瞻望山川皆是喪明之本可一謹

哉出瑣碎錄

讀書損目

讀書損目之苦傷肝損目誠狀晉范甯嘗苦目痛就張湛求方湛戲之曰右方宋陽子少得其術以授晉東門伯次授左丘明遂世世相傳以及杜子真晉左太冲凡此諸賢並有目疾得此方之用損讀書一減思慮一專內視三簡外觀四旦起晚五早夜眠六凡六物焚以視火下以氣篋蘊於宵中七日然後納諸

方寸修之一時近能數其目睫遠視尺筮之餘長服
不已洞見牆壁之外非但明目乃亦延年審如是而
行之非可謂之嘲戲亦奇方也

出本
事方

觀音洗眼偈

台州僧處培中年病目常持誦大悲呪夢觀音傳授
法偈令每日呪水七遍或四十九遍用以洗眼凡積
年障翳近患赤目無不獲痊處培跪受而寢悉用記
憶如說誦行之不踰時平愈壽至八十八歲其偈曰
救苦觀世音施我大安樂賜我大方便滅我愚癡瘡
賢劫諸障礙無明諸罪惡出我暗室中使我視物光

我今說是偈洗懺眼識罪普放淨光明願覩微妙相
眼疾不可洗浴

舊說眼疾不可洗浴浴則病甚甚至有失明者承直郎
白彥良云未壯歲之前歲歲患赤眼一道人勸但能
斷沐頭則不復病彥良自此不沐今七十餘更無眼

病出治
編

眼痛不食

有人患赤眼腫痛脾胃虛弱喫飲食不得診其肝脉
盛脾脉弱涼藥以治肝則損脾愈喫飲食不得服煖
藥以益脾則肝愈盛而加病何以治之但於温平藥

中倍加肉桂不得用茶調恐損脾也肉桂殺肝而益脾故一治而兩得之傳曰木得桂而死出醫餘

眼赤腫

有人患眼疾每睡起則眼赤腫良久却無事百方治之無效師曰此血熱也非肝病也臥則血歸於肝熱血歸肝故令眼赤腫也良久便無事者人睡起血散於四肢故也遂用生地黄黃汁浸糯米半升溲乾曝令透骨乾凡三浸三乾用麩餅子煎湯一升令沸下地黃米四五匙煎成薄粥湯放溫食半飽後飲一兩盞卽睡如此兩日遂愈生地黄黃汁涼血故也

眼疾有虛實

凡眼疾有上盛下虛者有上虛下實者虛者宜服補腎藥補其母也實者宜服涼心經藥瀉其子也眼科云所謂補藥者非硫黃附子鹿茸菴蓉之類是朱砂磁石之類也治眼而補下當用眼藥故也茲爲至理同上

赤目戒食

患赤目以熱水濯足佳若澡浴必致失明切不可食犬雞魚雞鴨卵

一目失明

錢鏐年老一日失明聞中朝國醫胡某者善醫上言
求之晉祖遣醫泛海而往醫視其目曰尚父可無療
此當延五七歲壽若決瘼去內瘴即復舊但慮損福
爾鏐曰吾得不為一日鬼於地下足矣願醫盡其術
以療之當厚報醫為治之復故鏐大喜賂醫金島寶
帶五萬緡具舟送歸京師醫至京鏐卒年八十一矣

出劉頴
叔異苑

治眼

郭太尉真州人久患目盲有白翳眩暈遍喫眼藥無能
效者有親仲監稅在常州守官聞張少龍之名因薦

於太尉太尉請張公視之曰此眼緣熱藥過多乃生
外瘴視物不明朝朝昏黑更無所覩醫者皆以為肝
元損下虛補其肝腎眼愈盲甚張曰請太尉將藥點
眼并服之一月取翳微消後果一月翳退雙目如舊
因求點喫藥方乃只用豬膽微火銀鈿內熬成膏入
冰腦粒如黍米大點入眼中微覺翳輕後又將豬膽
白膜皮曝乾合作小繩如釵大小燒作灰待冷點翳
盛者亦能治之此方甚好勿妄傳

出名
醫錄

治內瘴

熟地黃麥門冬車前子相雜治內瘴有效屢試信然

其法細搗蜜丸桐子大三藥皆難搗羅和合異常甘香真奇方也

婦爛緣眼

潭州宗室趙太尉家乳母苦爛緣風眼近二十年有買藥老媪之門云此眼有虫且細如絲也赤而長久則滋生不已吾能談笑除之入山取藥晚下當為治療趙使僕陰尾之見媪泂道撥叢蔓木葉以手按碎遂口中咀嚼而留汁粗於小竹筒內俄復還索皂紗蒙乳母眼取筆畫雙眸於紗上然後滴藥汁漬眼下緣轉眴間虫從紗中出其數十七狀如先所云數日

物夜不可近燈光兀兀癡坐其友趙謙子春語之曰是為爛緣血風我有一藥正治此名曰二百味花草膏病者驚曰用藥品如是世上方書所未有豈易遠辨君直相戲耳趙曰我適間有藥當以與君明日携一錢匕至堅凝成膏使以匙抄少許入口一日淚止二日腫消三日痛定豁然而愈乃往謁趙致謝且扣其名物笑曰只用羯羊膽去其中心脂而滿填好蜜拌勻蒸之候乾即入麝細研為膏以蜜採百花羊食百草故隱其名以眩人云出癸志

班瘡入眼

小兒斑瘡入眼皆由熱重毒氣上攻多因食毒物所致若瘡子盛發時覺眼腫痛時時與閉者之睛上無瘡卽不害事若有瘡亦須服清涼飲子每日食後一服微利之瘡子乾後將攝不及法飲食不謹或無故眼自痛者卽毒氣不盡也輕者清涼飲重者雄黃解毒丸須大下三四行狀後眼治眼藥只得睛不破無不愈者

出保生方

眼中常見鏡子

有一少年睛中常見一小鏡子俾醫工趙御診之與少年期來日以魚鱸奉候少年及期赴之延於內且

再至緣內乾如常人復用前法滴上緣又得蟲十數家人大喜後傳與醫者上官彥誠遍呼鄰側村婦病此者驗試無不立差其藥乃覆盆子葉一味著於本草陳藏器云治眼暗不見物冷淚浸淫不止又青盲等取此草日曝乾搗令極細爛薄綿裹之以男子所飲乳汁浸如人行八九里久用點目中卽仰臥不過三四日視物如少年但禁酒麪油蓋治眼妙品也

治內障眼

明州定海人徐道亨父沒奉母周游四方事之益孝淳熙甲到泰州宿於逆旅因患赤眼而食蟹遂成內

瘴欲進路不能素解暗誦般若經出丐市里所得糧
米仍持歸養親歷五年忽夜夢一僧長眉大鼻托一
鉢盂盂中有水令徐掬以洗眼復告之曰汝此去當
服羊肝丸百日徐知為佛羅漢喜而拜願乞賜良方
僧曰用淨洗夜明沙一兩當歸一兩蟬殼一兩木賊去節一兩共
碾為末買羊肝四兩水煮爛搗如泥入前藥拌和丸
桐子大食後溫熱水下五十九服之百日如舊與母
還鄉母亡其家入道出類

治眼二百味花草膏

福州人病目兩臉間赤濕流淚或痛或痒畫不能視

令從容侯客進方接俄而設臺子施一甌芥醋更無
他味卿亦未出迨久候不至少年饑甚且聞醋香不
免輕啜之遂巡又啜之覺背中豁然眼花不見因竭
甌啜之趙卿知之方出少年以啜醋慙謝卿曰郎君
先因食鱠太多醬醋不快又有魚鱗在背中所以眼
花適來所備芥醋只欲郎君因饑以啜之果愈此疾
烹鮮之會乃權詐也出北瑛

目疾忌浴

有目疾者切忌浴令人目盲出遜齋

偷鍼眼

凡患偷鍼眼者以布鍼一箇對井以目睛睨視之已而折為兩段投井中眼即愈勿令人見

目視一物為二

荀牧仲頃年常謂予曰有人視一為兩醫者作肝氣有餘故見一為二教服補肝藥皆不驗此何疾也予曰孫真人云目之絲上屬於腦後出於腦中邪中於頭因逢人身之虛其入深則隨目絲於腦入於腦則轉轉則目絲急急則目眩以轉邪中於睛所中者不相比則睛散睛散則岐故見兩物也令服驅風入腦

藥得愈

出本
事方

洗眼方

以當歸黃連芍藥等分用水濃煎汁乘熱洗冷則再溫洗甚益眼目但是風毒赤目并化翳等皆可用之凡眼目之病皆緣血脉凝滯使然故以活血藥合黃連治之血得熱即行故乘熱洗之用者無不神效

注連

出本
草黃

齒喉舌耳

治喉閉

元公章少卿說開德府士人携僕入京其一日忽患喉閉脹滿氣塞不通命在頃刻詢諸郡人云惟馬行

街山水李家可看治卽與之往李駭曰證候危甚猶
幸來此不然卽死何疑乃於笥中取一紙撚用火點
著才烟起吹滅之令僕張口刺於喉間俄吐出紫血
半合卽時氣寬能言及啖粥飲搽藥傳之立愈士人
甚神其伎後還鄉里村落一庸醫偶傳得此術云咽
喉病發於六腑者如引手可探及刺破瘀血卽已若
發於五臟則受毒宇深手法藥力難到惟用紙撚爲
第一狀不言所以用之之意後有人得其傳者蓋預
以巴豆油塗紙故施火卽著藉其毒氣徑入赴病處

山類

又

凡人患喉閉及纏喉風用藥開得咽喉後可以通得
湯水急喫薄粥半碗或一碗壓下邪熱不壓卽病再
來不可不知也咽喉旣可身熱頭疼不除此感外邪
看脉氣及大小便有表證則發汗有裏證則微下之
皆愈愈後虛喘而身不熱者必是服涼藥過多而下
虛也當用鎮重溫藥一服如黑錫九正一丹之類以
粥壓之

咽喉腫痛

有人患咽喉腫痛下食不得身熱頭疼大便不通衆

醫之論紛朕皆以為熱當服涼藥有一善醫云脉緊數是感寒氣所致眾醫不從善醫者曰我有法驗得寒熱浴室中生火用木葱湯沐浴若是病熱則此煖處必有汗而咽喉痛不減若是感寒則雖浴無汗患者信其言遂入浴淋洗而無汗就浴室中服麻黃湯一服須臾大汗出大便通即時無事眾醫服其神丸辨熱病與感冷皆可用此法出醫餘

巧匠取喉鈎

咸平中職方魏公在潭州有數子弟皆幼因相戲以一鈎竿垂鈎用棗作餌登陸鈎雞雛一子學之而誤

吞其鈎至喉中急引乃鈎以鬚逆不能出以命諸醫不敢措手魏公大怖令人遍問老婦必能經歷時有一老婦入九十餘歲言亦未嘗見此切料有知識者可出之時本郡有一莫都料性甚巧令聞魏公魏公呼老婦責之曰吾子誤吞鈎莫都料何能出之老婦曰聞醫者意也其莫都料曾水中打碑塔添仰瓦魏公大哈親屬勉之曰試詢之公遂召莫都料至沉思良久言要得一蠶繭及大念珠一串公與之都料遂將繭剪如錢大用物權四面令輒以油潤之仍中通一竅先穿上鈎線次穿數珠三五枚令兒正坐開口

漸添引數珠挨之到喉覺至繫鈎處乃以力向下一
推其鈎以下而脫即向上急出之見兩錢向下裏錠
鈎線須臾而出並無所損魏公大喜遂厚賂之公曰
心明者意必大巧意明者心必善醫出名醫錄

舌腫滿口

一士人汭汭東歸夜泊村步其妻執寐撼之問何事
亦荅又撼之妻驚視之舌腫已滿口不能出聲急訪
醫得一叟負囊而至用藥摻比曉復舊問之乃蒲黃
一味須真者佳出本草事方

舌無故血出

呼連夕徹旦勺飲不可入口醫者無所不用經年不
差或授一方取附子尖天雄尖全蝎七箇皆生碾碎
拌和以紙烘蘸少許點痛處隨手則止林元禮云是
未足為奇舊得一法捕蚶蚶大者一枚削竹篾子刮
其眉即有汁黏其上約所取已甚則放之而以汁點
痛處凡疔蝕瘰腫一切齒痛悉可用藥到處痛定仍
不復作姪孫問云此名蟾酥膏先以篦掠眉下汁未
出時當以細杖鞭其背及頭候作怒鼓脹則流注如
漏然後挹以綿經室痛處出類編

齒齒

齊中大夫病齩齒淳于意灸其左太陽脉即為苦參
湯日嗽三升出入五六日病已得之風及臥開口食
而不嗽出史記

飲酒嗽口

劉凡年七十餘精神不衰每一飲酒輒一嗽口雖醉
不忘也曰此可以無齒疾睛後食少許物便已出明道錄

嗽口食冷

進士劉遜過異人曰世人奉養往往倒置干嗽口不
若將臥而漱去齒間所積牙亦堅固今人食冷物必

飲湯將溫其脾已外其脾又何溫之有不若未食冷
物先飲湯溫之繼食冷即無患也出翰苑名談

棗能黃齒

倪彥及朝奉嘗謂太原府幕官云彼中人喜食棗無
時貴賤老少常置棗于懷袖間等閑探取食之郡人
之齒多黃綠食棗也故杜叔夜所謂齒居黃而黃
處頭而黑是也出遜齋閑覽

齒藥

西嶽蓮葉峯碑載治口齒烏髮藥歌豬牙皂角及生
薑西國升麻蜀地黃木律旱蓮槐角子細辛荷葉荷

葉心子也要相當青鹽等分同燒煨研熬將來使更良措
齒牢牙髮鬢里誰知世上有仙方出類苑

齒間肉壅出

汪丞相徽之祁門人有寵姬平日好食動風物性尤嗜蟹或作蟹包解發恣致之一日得風熱之疾齒間壅一肉出漸大漲塞口不能閉水漿不入痛楚待盡而已有一道人言能治此疾丞相命醫之不日而愈其法用生地黃取汁一碗豬牙皂角數銜火上炙令熱蘸汁令盡末之傅壅肉上隨即消縮後多金與之得方其婿季大夫說

飲酒喉舌生瘡

連日飲酒咽喉爛舌生瘡水中螺蚌肉葱豉薑椒煮汁飲二三盞差出聖惠方

苦參不可潔齒

予嘗苦腰重久坐則旅拒十餘步然後能行有一將佐見予曰得無用苦參潔齒乎予時以病齒數用若參數年矣曰此病由也苦參入齒其氣傷腎能使人腰重後有太常少卿舒昭亮用苦參措齒歲久亦病腰自後悉不用腰痛皆愈此皆方書舊不載者

齒縫出血

齒縫出血不止他藥不能治者鹽土之素問云齒勝血故也用麥門冬煎湯漱之亦良出蘭室寶鑑

虎鬚治齒痛

虎鬚治齒痛仙人鄭田遠常騎虎故人許隱齒痛求治鄭曰虎鬚及熟插齒間即愈拔數莖與之

積年耳聾

驢生脂和生姜熟搗綿裹塞耳治積年耳聾按本草乃生椒非薑莖未敢用出本

骨體韻略

治哽以類推

凡治哽之法皆以類推鷓鴣治魚硬磁石治鍼硬髮灰治髮硬狸虎治骨硬亦各從其類也

研砂治硬

鄱陽汪友良因食辣蹄誤吞一骨如小指大硬於咽喉間隱伏見於膚革引手揣摸百計不下累日雖咳嗽亦痛僅能略通湯飲家人絕憂之於昏睡次覩一人著朱衣來告曰聞汝為骨所苦吾有一藥唯南研砂最妙恍惚驚悟謂非夢也殆神明陰授以方欲全其命索藥竒得砂小塊汲水滌洗取而含化纔食頃脫然而失出壬志

呪水治哽

以淨器盛新汲水一盞捧之面東默念云謹請太上
東流順水急急如南方火帝律令勅一氣念七遍即
吹一口氣入水中如此七次以水飲患人立下或用
此呪水可以食鐵并竹刺出百一選方

漁人治哽

蘇州吳江縣浦村王順富家人因食鯪魚被哽骨橫
在胷中不上不下痛殷動鄰里半月餘飲食不得幾
死忽遇漁人張九言爾取橄欖與食即輒也適此春
夏之時無此物張九云若無尋橄欖校搗為末以急

流水調服之果安問張九爾何緣知橄欖治哽張九
曰我等父老傳橄欖木作取魚掉虎魚觸著即便浮
被人捉却所以知魚怕橄欖也今人煮河豚須用橄
欖乃知化魚毒也出名醫錄

治哽

滁州蔣教授名南金因食鯉魚玉蟬羹為肋骨所硬
凡治哽藥及象牙屑用之皆不效或令以貫衆不以
多少濃煎汁一盞半分三服併進連服三劑至夜一
咯而出因戲云此管仲之力也出百一選方

故魚網治硬

故魚網主治硬以網覆喉者頸差如煮汁飲之骨當

下矣

出本草

倉卒有智

秀州士大夫家一小兒五歲因戲劇以首入搗藥臼中不復出舉家驚呼無計或教之使執兒兩足以新汲水急澆之兒驚啼體縮遂得出又有一小兒觀打稻取穀芒實口中黏著喉舌間不可脫或令以鵝涎灌之卽下蓋鵝涎能化穀也二者皆一時甚急非倉卒有智未易脫

出夷堅志

喘嗽

喘有三證

凡人患喘其證有三一曰寒二曰熱三曰水病熱者發於夏而不發於冬病冷者遇寒則發也水病者骨脇滿悶脚先腫也熱病者宜蛤蚧丸冷病者宜煮肺散水病審其冷熱虛實虛而冷者紫金丹熱而實者防已丸此出養生必用方但腹有濕熱欲驗喘疾是水不是水者小便澁脚微腫而喘者水症也當作水治之小便不澁脚不腫只作喘治之沈存中良方蒲葑葉孫大資麻黃梓朴湯不拘冷熱皆可服也

咳嗽

咳嗽有二一曰熱二曰寒熱嗽痰濃鼻聞腥氣宜服
涼藥寒嗽痰清宜服熱藥飲冷水一二呷而暫止者
熱嗽也呷熱湯而暫止者冷嗽也此法用之有驗以
柴胡湯治熱嗽以理中加五味子治寒嗽皆已試之

驗出醫餘
馬同上

又

經曰人感於寒則受病微則為咳甚則為泄為痛凡
咳嗽五臟六腑皆有之惟肺先受邪蓋肺主氣合於
皮毛邪之初傷先客皮毛故咳為肺病五臟則各以
治時受邪六腑則又為五臟所移古人言肺病難愈

而喜辛者蓋肺為驕臟怕寒而惡熱故邪氣易傷而
難治以其湯散經過鍼灸不及故也十種咳嗽者肺
咳心咳脾咳腎咳肝咳風咳寒咳支飲咳膽咳厥陰
咳華佗所謂五嗽者冷嗽氣嗽燥嗽飲嗽邪嗽孫真
人有方治寒毒症嗽者歷代方論著之甚詳惟今之
所謂勞嗽者無所經見意其華佗所謂邪嗽真人所
謂症嗽者是也此病蓋酒色過度勞極傷肺損動經
絡其重咯唾膿血輕者時發時差又有因虛感邪惡
之氣且傳症得之或先嘔血而後嗽或先咳嗽漸就
沉羸此則非獨內損肺經又挾邪惡傳症之氣所以

特甚病之毒害無過此也真人治症嗽通氣丸方用蜈蚣四節又二夢與鬼交通及飲食者全用蜈蚣外臺方四滿丸治五嗽亦用蜈蚣近世名公能推原其指意率用蛤蚧天靈蓋桃柳枝麝香丹砂雄黃安息香之類以通神明之藥療之高出古人之意又肺中有蟲如蠶令人喉癢而咳嗽湯散徑過鍼灸不及以藥含化蟲死即嗽止出鷄峯方

治痰嗽

綬帶李防禦京師人初為入內醫官直嬪御閣妃苦痰嗽終夕不寐面浮如盤時方有甚寵徽宗幸其閣

見之以為慮馳遣呼李先數用藥詔令往內東門外狀若三日不效當誅李憂撓伎窮且妻對泣忽聞外間叫云咳嗽藥一文一貼喫了今夜得睡李使人市藥十貼其色淺碧用淡蘆水滴麻油數點調服李疑草藥性獮或使臟腑滑泄憊三為一自試之既而無他於是取三貼合為一携入禁庭授妃請分兩服以餌是夕嗽止比曉面腫亦消內侍走白天顏絕喜錫金帛厥直萬緡李雖幸其安而念必宣索方書何辭以對殆亦死爾命僕俟前膏藥人過邀入坐飲以巨鍾語之曰我見鄰里服故藥多效意欲得方倘以傳

我此諸物爲銀白兩皆以相贈不吝曰一文藥安得
其直如此防禦要得方當便奉告只蚌粉一物新瓦
炒令通紅拌青黛少許爾扣其所從來曰壯而從軍
老而停汰頃見主帥有此故剽得之以其易辦姑藉
以度餘生無他長也李給之終身出類編

治齁喘

鼻

信州老兵女三歲因食鹽蝦過多遂得齁喘之疾乳
食不進省無可召醫一道人過門見病女喘不止故
使求甜瓜蒂七枚研爲粗末用冷水一茶脚許調

取清汁呷一小呷如其說纔飲竟即吐痰涎若膠粘
狀肯次既寬齁喘亦定少日再作又服之隨手愈凡
三進藥病根如掃此藥味極苦難吞嚥俗諺所謂甘
瓜蒂苦非虛言也同上

喘病

李翰林天台人有莫生患喘病求醫李云病日久矣
我與治之乃取青橘皮一片展開入江子一箇將麻
線繫定火上燒盡煙留性爲末生薑汁酒一大呷服
之過口便定實神方也出名醫錄

肺氣

肺氣臟之虛也蓋肺氣盛則脈大脈大則不得偃臥

肺熱久嗽

有婦人患肺熱久嗽身如炙肌瘦將成肺勞以枇杷葉木通款冬紫苑杏仁桑白皮等分大黃減半如常製為末蜜丸櫻桃大一丸食後夜臥含化未終劑而

愈出本草衍義

喘有冷熱

人有喘疾不可一槩治之須分陰陽病發於冬寒冷病也病發於暑月熱病也冷病服鼓霜丸清中湯莫肺散熱病服青杏蛤蚧丸之類出醫餘

水喘

有人先因咳嗽發喘脇膈注悶難於倒頭氣上湊者宜早利水道化痰下氣若不早治必成水喘宜服紫金丹病水入水在膜外切不可鍼鍼透膜初時稍愈再來即不可愈同上

翻胃

治翻胃

淳熙元年冬樞姪自鄱陽往四明過婺州義烏晚泊逆旅倏有野服者坐于傍扣其何人曰邑醫孫道攻療眼疾樞與之語孫曰君貴家子弟必藏好方畀我

一二或可為人起疾。樞素秘翻胃方。即口授之。其法用大附子去其蓋。剉中使淨。納丁香四十九粒。復以蓋覆之。線縛于箸。置銀石器中。浸以生薑白朮汁。及蓋而上。漫火煮乾。細末一錢。七摻舌上。漱津下。若煩渴。則徐食糜粥。忌油膩。生冷。孫喜書之於冊。未幾州鈴轄告此病危甚。孫為拯之用此方。數服愈。出類編

鹽尿治翻胃

鹽尿治翻胃。外臺載昔幼年經患此疾。每食餅及羹粥等。須臾吐出。正觀中許奉御兄弟及柴蔣等時稱名醫奉勅令治。罄竭其術。竟不能瘳。漸至羸。適死在

本草作人

日有中字

朝夕忽有一衛士云。服鹽小便極驗。日服二合。後食唯吐一半。哺時又服二合。又定時食粥。吐即便止。至今日午時。奏之大內。五六人患翻胃。同服一時俱差。此藥稍有毒。服時不可過多。盛取及熱服。二合。病深七日以來。服之良驗。出本

乾嘔不止

粥食湯藥皆吐不停。灸手間使三十壯。若四肢厥脈沉絕不至者。灸之便通。此起死之法。出千金方

佳亂

夫霍亂之起。皆由起居之失。宜飲食之不節。露臥濕

地或當風取快溫涼不調清濁相犯風冷之氣歸於
三焦傳於脾胃真邪相干水穀不化便置吐利皆名
霍亂其揮霍之間便致撩亂診其脈來大者霍亂又
脈大而絕者是證也霍亂脈大者可治微細者不可
治脈微而遲氣息少不欲言者不可治養生方云七
月食蜜令人暴下

出雞
峯方

醫說卷第四

